



الشاعر / السيد محمد صابر

ضابط سابق بالقوات الخاصة

البحرية

مؤسس ورئيس مجلس إدارة

جمعية إبداع الثقافية

صدر لى أربع دواوين عامية وخامس فصحى ومسرحيتين

.....

بغبغان صفقة القرن

غراب وعامل بغبغان

لنيم خسيس عميل جبان

أسود غطيس

من غير ضمير

ماشى يهلفظ في المكان

بيردد كلام

الصفقة تمت يابشر

ومن زماان
أيه الخبر؟ يا بغغان
شوفتوا السلام ..
ماله السلام؟
باعوا غزة لأمريكان
كل العرب إتجمعوا
كان مهرجان
معقول يا ناس إتجمعوا !!!?
بس أصبروا كده واسمعوا
وايه كمان؟
أهل غزة أتقسّموا بين البلاد
في المملكة والمملكة
أما سينا أرضهم بتلّمهم
هيّ المكان
وايه كماان؟
المليارات هيّ التمن
الكل قابض حصته

بعد ما أعلن كلمته

مليارات مليارات

وادي الدليل

الفيديو سِرِّي بينتشر

لجل الأمان

أصدق دليل

يا بغبغان

دا مستحيل

إن العرب يتجمعوا

وسينا دي ما فيش تمن

يكفي شبر ف أرضها

أوحتى حبة رمل منها

سينا يا جاهل كلها

اقرا التاريخ

تعرف قيمتها وقدرها

يا بغبغان

أهل غزة من زماااان

بلاد العرب أرضها
بس عايشين بالأمل
ويا العمل
ترجع فلسطين لمجدها
ومصر حاربت في الميدان
وبالسياسة ومن زمان
علشان ترجع حقها
وبقالنا ف الحرب الضروس
كاااااام سنة
إرهاب خسيس زيك تمام
بيهد أحلام أهلها
وشباب كتير دفعوا التمن
إزاي يبيعوا دمها
دا مستحيل
أما الدليل لوكان دليل
ليه نشره سرّي يا بغبان
دا طعم في شبكة لنيم

يصطادوا جهلة عصرنا
ويفرقوا ويشنتوا
كل فكر يلما
ويبدوا كل الأمان
ويقتلوا أحلام وليدة
دي حيلة لكن مش جديدة

.....